



SURAT EDARAN UMT BILANGAN 1 TAHUN 2025

Bantuan Khas Kewangan (BKK) Tahun 2025

TUJUAN

1. Surat edaran ini bertujuan memaklumkan mengenai Bantuan Khas Kewangan (BKK) Tahun 2025 untuk digunapakai di Universiti Malaysia Terengganu (UMT).

LATAR BELAKANG

2. Jabatan Perkhidmatan Awam, melalui surat edaran JPA.800-3/2/4(47) bertarikh 27 Januari 2025 memaklumkan pemberian Bantuan Khas Kewangan (BKK) Tahun 2025 sebanyak RM500.00 melalui pengumuman YAB Perdana Menteri melalui pembentangan Belanjawan Tahun 2025 yang lalu.
3. Pemberian BKK Tahun 2025 ini diberikan kepada penjawat awam Gred 15 dan ke bawah, dan pegawai/ kakitangan lantikan kontrak. Bayaran ini juga turut dipanjangkan kepada pesara Kerajaan, veteran berpcen dan veteran tidak berpcen dengan bayaran sebanyak RM250.00.

PELAKSANAAN PEMAKAIAN SURAT EDARAN BANTUAN KHAS KEWANGAN TAHUN 2025

4. Selaras dengan keputusan tersebut, kaedah pelaksanaan BKK di UMT adalah seperti berikut:

- 4.1 **LAYAK** diberikan kepada:

- (i) pegawai Perkhidmatan Awam Kumpulan Pengurusan dan Profesional dan Kumpulan Pelaksana, Gred 15 dan ke bawah atau setara, yang masih berkhidmat pada **25 Februari 2025** seperti berikut:
- a) pegawai lantikan tetap, sementara dan lantikan kontrak (*Contract of Service* dan Pekerja Sambilan Harian)¹;
 - b) pegawai yang bercuti bergaji penuh;
 - c) pegawai yang bercuti separuh gaji;
 - d) pegawai yang bercuti tanpa gaji; dan
 - e) pegawai yang dipinjamkan termasuk ke agensi yang diasingkan pengurusan saraannya, yang mana BKK ini akan dibayar oleh agensi yang meminjam pegawai berkenaan.

4.2 Di samping itu, BKK ini dipanjangkan kepada pesara Kerajaan, dengan bayaran sebanyak RM250.00 seperti berikut:

- (i) pesara Kerajaan yang menerima pencen termasuk pesara pilihan yang belum menerima pencen, penerima pencen terbitan di bawah undang-undang pencen, dan pesara skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/56/58/60 tahun), atau bersara Atas Sebab Kesihatan (ASK) pada atau sebelum **25 Februari 2025**. Pembayaran BKK akan dibuat oleh Jabatan Perkhidmatan Awam (JPA).

4.3 Bagi pesara UMT yang dilantik semula secara lantikan tetap, sementara dan COS yang masih berkhidmat pada **25 Februari 2025** layak dibayar sebanyak RM500.00. Pembayaran sebanyak RM250.00 akan dibuat oleh JPA dan baki sebanyak RM250.00 akan dibayar oleh jabatan di mana pegawai sedang berkhidmat.

¹ Bagi pegawai di bawah Contract for Service, surat edaran berasingan akan dikeluarkan oleh Kementerian Kewangan.

- 4.4 Seterusnya, pegawai yang meninggal dunia pada **25 Februari 2025** layak diberi BKK sebanyak RM500.00.
- 4.5. **TIDAK LAYAK** diberikan kepada:
- (i) pegawai dalam Kumpulan Pengurusan Tertinggi termasuk pegawai yang memangku, dipinjamkan/ tukar sementara dan secara penempatan khas ke Gred Utama/ Gred Khas;
 - (ii) pegawai yang dikenakan hukuman tatatertib buang kerja atau turun pangkat dalam tempoh **1 Januari 2025** hingga **25 Februari 2025**;
 - (iii) pegawai yang tidak hadir bertugas secara berterusan tanpa cuti, atau tanpa terlebih dahulu mendapat kebenaran Ketua Jabatan, atau sebab munasabah sepanjang tempoh **1 Januari 2025** hingga **25 Februari 2025**.
 - (iv) pegawai yang ditamatkan perkhidmatan demi kepentingan awam dalam tempoh **1 Januari 2025** hingga **25 Februari 2025**;
 - (v) pegawai yang meletak jawatan dalam tempoh **1 Januari 2025** hingga **25 Februari 2025**; dan
 - (vi) pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).
- 4.6 Pegawai yang ditahan kerja, digantung kerja atau telah menerima surat pertuduhan dikeluarkan oleh Pihak Berkuasa Tatatertib (PBTT) akan ditangguhkan pemberian BKK Tahun 2025 ini. Pegawai hanya layak dibayar BKK setelah dibebaskan daripada pertuduhan tatatertib, atau dikenakan hukuman selain buang kerja atau turun pangkat oleh PBTT yang berkenaan.

SULIT

- 4.7 Pembayaran BKK 2025 ini juga hanya akan dibayar kepada staf berstatus **warganegara** sahaja.
5. Namun begitu, sebagaimana surat edaran JPA menetapkan penerimaan pakai adalah tertakluk kepada pihak berkuasa masing-masing. Oleh yang demikian, dicadangkan pihak universiti mempertimbangkan pemberian BKK 2025 ini turut dipanjangkan kepada **Pegawai Skim Lantikan Khas / Pegawai Eksekutif (PE)**.
6. Pemberian BKK 2025 ini turut dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.

TANGGUNGJAWAB PEMBAYARAN

7. Pembayaran Bantuan Khas Tahun 2025 ini adalah menjadi tanggungan UMT, di mana pegawai berkhidmat pada tarikh pembayaran iaitu pada **25 Februari 2025**.

TARIKH KUAT KUASA

8. Surat edaran ini adalah berkuatkuasa mengikut tarikh ianya diluluskan oleh pihak berkuasa Universiti.